

mandi 4 galie et tegni la quinquere, et li sia mandà al proveditor ducati 6000. Parlò el Loredan: rispose el Garzoni. Andò le parte: Ave: 6 non sin- ceri, 2 de no, 31 del Loredan, 110 de altri. Et fo presa questa.

127*

A dì 19, la matina. In Collegio, non fo *solum* tre Consieri, nè fu lettera alcuna da conto. Il Sere- nissimo al solito in palazzo, vestido, sentado sopra una cariega: non se pol aiutar di piedi et manco pol caminar.

Vene in Collegio l'orator del duca de Milan per certo scolaro milanese, è stà retenuto a Padoa et datoli corda etc.

Vene l'orator del duca di Urbino, rechiedendo danari che 'l suo Signor dia haver. Li fo risposto per il vicedoxe si farà provision che 'l sarà apre- sentada.

In questa matina si apresentationo a le prexon sier Tomà Mocenigo qu. sier Alvise et sier Zuan Soranzo qu. sier Nicolò, preso retenir per il Con- seio di X, le case di qual quela notte fo sealade, ma non fo trovati, et fono posti

Da poi disnar, fo Conseio di X, con la Zonta et fono, semplice, sopra la cusion fata a Muran per el signor Sigismondo de Rimano et li soi con quelli de Muran a dì 16 de questo, et causò

Et fu preso con la Zonta, per expedir la causa de Loredani da Crema in le do Quarantie, ogni zorno li siano dati *post prandii* non obstante parte in contrario, con questo li ditti XL sentano 6 meza- ruole la matina et 6 mezaruole poi disnar, et cussì fo mandà la parte in Quarantia, et hozi non balotà per esser *post prandio ultra ordinem*.

Et volendo legittimar el Conseio per li cazadi in materia de doni de formenti, et bisogna far do viceconsieri et do vicecai, et però volseno far 4 del Conseio in locho de quel mancava, et tolto el scur- tinio et fo balotadi et fati do scurtinii.

Rimaseno adunca 4, sier Francesco Bragadin fo savio del Conseio, sier Jacomo Soranzo procurator, sier Michiel da Leze fo cao di X, et sier Lodovico Barbarigo fo governador di l'intrade, qu. sier An- drea, qual fo rebalotà con sier Domenego Capello fo cao di X qu. sier Carlo, et rimase il Barbarigo.

128

A dì 20, fo San Bernardin, anniversario del Serenissimo, qual ha compito anni 7 in el dogado; *tamen* non vene in chiesa a la messa justa il solito, per esser indisposto in palazzo.

Fu terminato heri, per li Consieri, *licet* li officii

nè Quarantie in tal zorno sentasse, che le do Qua- rantie per il caso di Loredani dovesse sentar da matina et poi disnar, et cussì sentono, et continuò il parlar domino Francesco Fileto dottor, avvocato di sier Andrea Loredan, il qual compite di difen- derlo in zorni 9.

Vene in Collegio l'orator di Fiorenza, dicendo li soi Signori danno danari a l'orator nostro Ca- pello è in Fiorenza, et lui non poter haver di da- nari, dia dar la Signoria a uno suo fiorentino per formenti li fo tolti, ducati 1500, almen li sian dati ducati 300 per el suo viver a conto del dito fio- rentino Alvise Girardo. Et li fo risposto si prove- deria li havesse, et cussì li fo fato dar ducati 400 al prefato Girardi.

De Yspruch, de sier Nicolò Tiepolo el do- tor, orator, di 13, tenute fin 14. Come erano zonti li, venuti a far reverentia a l'imperador, el duca Gulielmo di Baviera cuxin di lo Elector, et il duca Zorzi di Saxonia fradelo del duca Zuan Ele- tor, li quali tien la bona fede, et l'archiduca re Ferandin li andoe contra.

Et perchè in Augusta il duca di Saxonia, zonto con 4 valenti homeni che predicava la setta luth- eriana, et haveano messe cadene a le strade et fato 2000 fanti, l'imperator li ha mandato a dir che non vol questi fanti, si è stà fati per honorar Soa Maestà, perchè l'ha d'avanzo custodia et li debi cas- sar. Si aspetarà de intènder la risposta. *Item*, par che Martin Luther sia restato a Norimberg, la qual città era lutherana, pur acomenzan a far dir una messa per chiesa etc. Si tien che la dieta, che era ordinata farla a Yspruch, si farà a Colonia o al- trove. Scrive, zerca le cose di Pixin, il Gran can- zelier ha mandato le lettere et dice l'imperador vol mantener li capituli, et cussì di le cose di la Patria, intervenendo il patriarca di Aquileia et di le

Da Traù, di sier Alvise Calbo conte et capitano, de mazo

In questa mattina, cussì volendo sier Ferigo Renier et sier Masio Lion, Avogadori extraordinari, fu preso, che sier Lorenzo Minio qu. sier France- seo, debitor di la Signoria nostra di ducati 130, qual è in prexon, dando ducati 30 contadi et del resto segurtà di pagar fin 6 mexi et in questo tempo non sia depenà di palazzo, sia cavà di pre- xon. Fu preso.

Item, fo terminà, per la Signoria, sier Gasparo Contarini qu. sier Filippo stato castelan in Ravena,